



第一三九七册

四庫全書

● 上海古籍出版社

本冊目次

東漢文紀

明梅鼎祚編……………一

第一二式子冊

欽定四庫全書

集部
東漢文紀卷一

詳校官庶吉士臣陳若霖

主事銜臣徐以坤覆勘

總校官進士臣楊懋珩

校對官中書臣范 鑾

謄錄監生臣桑 英

欽定四庫全書

集部八

東漢文紀

總集類

提要

臣等謹案東漢文紀三十二卷明梅鼎祚編
鼎祚西漢文紀根據史漢故多為典確是編
雖亦以正史為宗而雜書之作始盛于東漢
即劉珍張璠諸記著錄正史者亦逾八家沿
及六代小說繁興其時去雒京最近故依託
附會尤較西漢為多至于集金石諸錄博
考古諸圖以迨隸釋隸續而下搜括舊刻
爭奇炫博者彌不一家而西漢自五鳳碑數
事以外寥寥無多其碑碣文詞器物銘識亦
往往惟稱東漢鼎祚蒐羅既富義取全收其
間真贋互陳異同蓋起而訂訛正舛亦不及
西漢文紀之詳固其所也至如曹全一碑近
代始出乃復摭撫不遺其采輯亦云勤矣若

欽定四庫全書

東漢文紀

夫永和裴岑破呼衍王碑遠在西域自我

皇上天威者定儒者始獲睹其文鼎祚生明季衰

微之時嘉峪關外即為絕域其佚而不載固

未可以為疎漏焉乾隆四十三年五月恭校

上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

東漢文紀

二

欽定四庫全書

東漢文紀卷一

明梅鼎祚編

光武皇帝

名秀字文叔高祖九世孫景帝子長沙定王綰之後南頓令欽之子起兵於宛

破聖公與伯然書

文鋒之日神星晝見太白精明

東觀漢記○此北堂書

云破聖公與凡伯升書揚用修尺牘云破亦眉與伯升

伯然亦引東觀漢記○破王尋與伯然書曰拙諸

欽定四庫全書

東漢文紀

特岑彭字君然而已朱然則孫吳時人後漢書光武紀

光武誅王郎更始遣侍御史持節立光武為蕭王全罷

兵諸行在所光武辭以河北未平不就微自是始載於

更始及赤眉賊入函谷關攻更始光武乃遣鄧禹率六

裨將引兵而西以乘更始時更始使朱鮪李軾屯洛陽

光武亦令馮異守孟津以拒之異大破鮪於是諸將上

尊號吳漢等十一將軍圍鮪於洛陽是年亦眉入長安

更始奔高陵見殺凡光武與聖公前後事止此所謂破

聖公者豈即鄧禹吳漢等之戰耶今姑從書鈔以待再考

報隗囂書
隗字季孟天水成紀人起兵應漢歸
敗志
憤死
鄧禹西征亦眉承制命囂為西州大將軍建
武三年囂上書詣闕光武報以殊禮時陳倉

人呂繡擁衆與公孫述通寇三輔驚復遣兵
征征西大將軍馮異擊之遣使上狀帝報以
手書自是
恩禮愈篤

慕樂德義思相結納昔文王三分猶服事殷但駕馬鉛
刀不可彊扶數蒙伯樂一顧之價而蒼蠅之飛不過數
步即託驥尾得以絕羣隔於盜賊聲聞不數將軍操執
款款扶傾救危南距公孫之兵北禦羌胡之亂是以馮
異西征得以數千百人躡蹠三輔微將軍之助則咸陽
已為他人禽矣今闕東寇賊往往屯聚志務廣遠多所
欽定四庫全書

東漢文紀
卷一

不暇未能觀兵成都與子陽角力如令子陽到漢中三
輔願因將軍兵馬鼓旗相當儻肯如言蒙天之福即智
士計功割地之秋也管仲曰生我者父母成我者鮑子
自今以後手書相聞勿用傍人解構之言
○後漢書
數步東觀

漢記作
三數步

與公孫述書

述字子陽扶風茂陵人稱帝
於蜀國號成爲吳漢等討滅

述稱帝安引議記以爲孔子作春秋爲赤制
而斷十二公一姓不得再受命又引錄運法
曰廢昌帝立公孫括地象曰帝軒轅受命公
孫氏握援神契曰西太守乙卯金謂西方太

守而乙絕卯金也五德之運黃承赤而白繼
黃金據西方有奇數移書中國冀以成勳衆
自言手文有奇數移書中國冀以成勳衆
心先武與述書署曰公孫皇帝述不答

圖識言公孫即宣帝也代漢者當塗高君豈高之身邪
乃復以掌文為瑞王莽何足效乎君非吾賊臣亂子倉
卒時人皆欲為君事耳何足數也君日月已逝妻子弱
小當早為定計可以無憂天下神器不可力爭宜留三
思
○後漢書○東觀漢記載先武與述
書承赤者黃也姓當塗其名高也

報公孫述書
此與前似
即一書

欽定四庫全書

東漢文紀
卷一

述夢人謂己曰八么子系十二為期遂據蜀稱
帝移檄中國引圖讖以惑衆先武報書云

西狩獲麟讖曰乙子卯金即乙未歲授劉氏非西方之
守也光廢昌帝立子公孫即霍光廢昌邑王立孝宣帝
也黃帝姓公孫自以土德君所知也漢家九百二十歲
以蒙孫亡受以丞相其名當塗高高宣君身耶吾自繼
祖而興不稱受命求漢之斷莫過王莽近張滿作惡兵
圍得之歎曰為天文所誤恐君復誤也
○華陽國志○新
滿祭祀天地自言當王及
執數曰讖文誤我乃斬之

封更始詔

建武元年八月亦封更始奔高陵

更始破敗棄城逃走妻子裸袒流穴道路朕甚愍之今封更始為淮陽王吏人敢有賊害者罪同大逆

封功臣詔

二年正月封功臣皆為列侯大國四縣博士丁恭議以四縣地多上不聽

通遣謁者即授印綬策封焉

人情得足苦於放縱快須臾之欲忘慎罰之義惟諸將業遠功大誠欲傳於無窮宜如臨深淵如履薄冰戰戰慄慄日慎一日其顯效未酬名籍未立者大鴻臚趣上

欽定四庫全書

東漢光武

四

朕將差而錄之

博士丁恭議

古帝王封諸侯不過百里故利以建侯取法於雷強幹弱枝所以為治也今封諸侯四縣不合法制

封策

在上不驕高而不危制節謹度滿而不溢敬之戒之傳爾子孫長為漢藩

省刑法詔

二年三月大赦下詔

頃獄多寃人用刑深刻朕甚愍之孔子云刑罰不中則

民無所措手足其與中二千石諸大夫博士議郎議省

刑法

續漢書載建武二年詔曰其赦天下惟殘賊用刑罪深刻獄多寃人朕甚愍之自今已後有犯者將

正厥辜

聽歸嫁賣詔

二年五月

民有嫁妻賣子欲歸父母者悉聽之敢拘執論如律

追封宗室詔

二年十月

惟宗室列侯為王莽所廢先靈無所依歸朕甚愍之其

欽定四庫全書

東漢光武

五

並復故國若侯身已歿屬所上其子孫見名尚書封拜

受傳國璽詔

三年閏正月亦眉君臣降奉高皇帝璽綬詔祠高廟受傳國璽

羣盜縱橫賊害元元盆子竊尊號亂惑天下朕奮兵討擊應時崩解十餘萬眾束手降服先帝璽綬歸之王府

斯皆祖宗之靈士人之力朕曷足以享斯哉其擇吉日

祠高廟賜天下長子當為父後者爵人一級

省罪詔

三年七月

吏不滿六百石下至墨綬長相有罪先請男子八十以

上十歲以下及婦人從坐者自非不道詔所名捕皆不得繫當驗問者即就驗女徒雇山歸家女子犯徒每月出錢雇人於山

代木名曰雇山

早詔五年五月

久旱傷麥秋種未下朕甚憂之將殘吏未勝獄多冤結元元愁恨感動天氣乎其令中都官三輔郡國出繫囚罪非犯殊死一切勿案見徒免為庶人務進柔良退貪酷各正厥事焉

欽定四庫全書

郵史詔六年正月

東漢文紀卷一

往歲水旱蝗蟲為災穀價騰踊人用困乏朕惟百姓無以自贍惻然愍之其命郡國有穀者給粟高年鰥寡孤獨及篤癯無家屬貧不能自存者如律二十石勉加循撫無令失職

赦天水諸郡詔六年五月

惟天水隴西安定北地吏人為隗囂所誣誤者又三輔遭難亦肩有犯法不道者自殊死以下皆赦除之

省減吏員詔

六年六月於是條奏并省四百餘縣吏職減損十置其一

夫張官置吏所以為人也今百姓遭難戶口耗少而縣官吏職所置尚繁其令司隸州牧各實所部省減吏員縣國不足置長吏可并合者上大司徒大司空二府

日食詔

六年九月晦日有食之十月下詔

吾德薄不明寇賊為害強弱相陵元元失所詩云日月告凶不用其行永念厥咎內疚於心其敕公卿舉賢良方正各一人百條並上封事無有隱諱有司脩職務遵

欽定四庫全書

東漢文紀卷一

法度

減田租詔

六年十二月

頃者師旅未解用度不足故行什一之稅今軍士屯田糧儲差積其令郡國收見田租三十稅一如舊制

禁厚葬詔

七年正月

世以厚葬為德薄終為鄙至於富者奢僭貧者單財法令不能禁禮義不能止倉卒乃知其咎其布告天下令知忠臣孝子慈兄悌弟薄葬送終之義

罷軍吏詔 七年三月

今國有衆軍並多精勇宜且罷輕車騎士材官樓船士及軍假吏令還復民伍

日食禁上書言聖詔 七年三月癸亥晦日有食之

吾德薄致災謫見日月戰慄恐懼夫何言哉今方念愆庶消厥咎其令有司各脩職任奉遵法度惠茲元元百僚各上封事無有所諱其上書者不得言聖

日食大赦詔 七年四月

欽定四庫全書

東漢文紀卷一

比陰陽錯謬日月薄食百姓有過在予一人大赦天下

公卿司隸州牧舉賢良方正各一人遣詣公車朕將覽試焉

禁殺奴婢詔 十一年二月

天地之性人為貴其殺奴婢不得減罪

又詔 十一年八月

敢炙灼奴婢者論如律免所炙灼者為庶民

禁獻異味詔 十三年正月

往年已勅郡國異味不得有所獻御今猶未止非徒有豫養導擇之勞至乃煩擾道上疲費過所其令大官勿復受明勅下以遠方口實所以薦宗廟自如舊制

同前 後漢紀

往年勅郡國勿因計吏有所進獻今故未止非徒勞役道途所過未免煩費已勅大官勿復受其遠方食物乘輿口實可以薦宗廟者即如舊制

改封長沙王等為侯詔 十三年二月

欽定四庫全書

東漢文紀卷一

長沙王興真定王得河間王邵中山王茂皆襲爵為王

不應經義其以興為臨湘侯得為真定侯邵為樂成侯茂為單父侯

立東海王陽為皇太子詔 十七年廢郭后為中山太后立貴人陰氏

為皇后陰氏生子陽而強為郭后子願備藩國十九年六月詔立陽徙封東海

春秋之義立子以貴東海王陽皇后之子宜承大統皇太子彊崇執謙退願備藩國父子之情重久違之其以彊為東海王立陽為皇太子改名莊

地震詔 二十二年九月

日者地震南陽尤甚夫地者任物至重靜而不動者也而令震裂咎在君上鬼神不順無德灾殃將及吏人朕甚懼焉其令南陽勿輸今年田租芻藁遺謁者案行其死罪繫因在戊辰以前減死畢一等徒皆免解鉗衣絲絮賜郡中居人壓死者棺錢人三千其口賦逋稅而廬宅尤破壞者勿收責吏人死亡或在壞垣毀屋之下而家羸弱不能收拾者以見錢殺取傭為尋求之

欽定四庫全書

東漢文紀

增奉詔

二十六年正月詔增百官奉自三公下至佐史各有差○東觀漢記

前以用度不足吏祿薄少今月益其奉

營壽陵詔

二十六年初作壽陵將作大匠竇融上言園陵廣袤無處所用帝詔

古者帝王之葬皆陶人瓦器木車茅馬使後世之人不知其處太宗識終始之義景帝能述遵孝道遭天下反覆而霸陵獨完受其福豈不美哉令所制地不過二三頃無為山陵陂池裁令流水而已

同前

東觀漢記建武二十六年四月始營陵地於臨平亭南下詔乃令陶人瓦器

臨平望平陰河水洋洋舟船泛泛善矣夫周公孔子猶不得存安得松喬與之而其遊乎文帝晚終始之義景帝遵述所謂孝子也故遭天下反覆霸陵獨完非成法耶令無為山陵陂池裁令流水而已迭興之後亦無邱壘使合古法今日月已逝當豫自作臣子奉承不得有加

尊宣帝為中宗詔 東觀漢記

惟孝宣皇帝有德有功其上尊號曰中宗

欽定四庫全書

東漢文紀

陰貴人父弟爵謚詔

建武九年謚貴人母鄧氏及弟訴帝甚傷之詔大

空司

吾微賤之時娶於陰氏因將兵征伐遂各別離幸得安全俱脫虎口以貴人有母儀之美宜立為后而固辭弗敢當列於媵妾朕嘉其義讓許封諸弟未及爵土而遭患逢禍母子同命愍傷于懷小雅曰將恐將懼惟予惟汝將安將樂汝轉棄予風人之戒可不慎乎其追辭謚貴人父陸為宣恩哀侯訴為宣義恭侯以弟就嗣哀侯

後及尸柩在堂使太中大夫拜授印綬如在國列侯禮
魂而有靈嘉其寵榮

廢郭皇后立陰貴人詔建武十七年制詔三公

皇后懷執怨懟數違教令不能撫循它子訓長異室宮
闈之內若見鷹鷂既無關雎之德而有呂霍之風豈可
託以幼孤恭承明祀今遣大司徒涉宗正吉持節其上
皇后璽綬陰貴人鄉里良家歸自微賤自我不見于今
三年宜奉宗廟為天下母主者詳案舊典時上尊號異
欽定四庫全書東漢文獻卷一

詔告隗囂囂將牛邯歸義於是囂大將十三人屬縣十六眾十餘萬皆降囂將妻子奔西城從楊廣詔告囂囂終不降於是誅其質子恂

若束手自詣父子相見保無他也高皇帝云橫來大者
王小者侯若遂欲為黔布者亦自任也後漢書

詔諭公孫述

述使刺客殺漢將來歙岑彭述弟恢及子塔史興並為大司馬吳漢輔威將軍賊宮所破自是將帥恐懼日夜離叛帝必欲降之乃下詔諭述述終無降意兵敗被創死

往來詔書比下開示恩信勿以來歙岑彭受害自疑今
以時自詣則家族完全若迷惑不喻委肉虎口痛哉余
何將帥疲倦吏士思歸不樂久相屯守詔書手記不可
數得朕不食言

贈來歙策詳見歙○建武十一年

中郎將來歙攻戰連年平定羌隴憂國忘家忠孝彰著
遭命遇害嗚呼哀哉使太中大夫贈歙中郎將征羌侯
印綬謚曰節侯謁者護喪事

欽定四庫全書東漢文獻卷一

鄧禹為司徒策建武元年○後漢紀作璽書

制詔前將軍鄧禹深執忠孝與朕謀謀帷幄決勝千里
孔子曰自吾有回門人日親斬將破軍平定山西功效
尤著百姓不親五品不訓汝作司徒敬數五教五教在
寬今遣奉車都尉授印綬封為鄼侯食邑萬戶敬之哉

下鄧禹敕鄧禹破赤眉赤眉遂入長安禹破休兵養士以觀其弊於是引軍北至拘

司徒亮也亡賊桀也長安吏人遑遑無所依歸宜以時
邑帝以關中未定而禹久不進兵乃下勅

進討鎮慰西京繫百姓之心並後漢書○東觀漢記司徒光也亦眉禁也令長安

饑民孰不延望

懲鄧禹還救

積弩將軍馮愔與車騎將軍宗敞爭權愔殺敞與禹相攻帝遣使諭降愔是後禹威稍損又之食歸附者雖散而亦眉還入長安禹戰敗走至高陵軍士饑餓者皆食藁菜乃徵禹還

亦眉無穀自當來東吾折播答之非諸將憂也無得復

妄進兵後漢書

欽定四庫全書

東漢文紀卷一

同前漢紀

勒兵堅守慎無與窮寇交鋒老賊疲弊必當束手事吾也以飽待饑以逸擊勞折樞而答之耳

勞馮異壘書異見後

異拜征西大將軍與鄧禹合兵為赤眉敗禹脫歸宜陽異景馬步走上回谿阪收其散卒與賊復戰大破於峭底降男

赤眉破平士吏勞苦始雖垂翅回谿終能奮翼龜池可

謂失之東隅收之桑榆方論功賞以答大勲

詔馮異

王郎起光武自蓟馳至饒陽無葉亭時天寒烈眾皆飢疲異上豆粥及至南宮遇大風雨引車入道傍空舍異抱薪鄧禹煮火光武對電燎衣異復進麥飯莞屑因度庖沱河至信都使異自關中朝京師上謂公卿曰馮將軍是我起兵時主簿也使中黃門賜異珍寶衣服錢帛

倉卒無葉亭豆粥庖沱河麥飯厚意久不報並後漢書

勞馮異壘書

脫罵使三輔乘勝取拘邑異即馳兵潛往閉城乘其不意擊鼓建旗追擊大破之北地諸

欽定四庫全書

東漢文紀卷一

豪長耿定等悉呼罷降異上書言狀不敢自伐諸將欲分其功乃下璽書

制詔大司馬虎牙建威漢中捕虜武威將軍虜兵猥下三輔驚恐拘邑危亡在於旦夕北地營保按兵觀望今偏城獲全虜兵挫折使耿定之屬復念君臣之義征西功若邱山猶自以為不足孟之反奔而殿亦何異哉今遣太中大夫賜征西吏士死傷者醫藥棺殮大司馬已下親弔死問疾以崇謙讓後漢書○大司馬吳漢虎牙建威建威取奔漢中上常捕

虜馬武威劉尚

同前 漢紀

柁邑孤危亡在旦夕諸將狐疑莫有先發將軍獨決奇策摧敵殄寇功如邱山猶若不足雖孟反後入無以過也今遣太中大夫貴醫藥殯殮之具以賜吏士其死傷者大司馬已下親弔問之以崇譙讓

賜馮異璽書

隗囂死囂子純猶總兵據冀公孫述遣將趙匡等救純帝令異行天水太守事攻匡等斬之賜異璽書

欽定四庫全書

東漢文紀

十六

聞吏士精銳水火不避構賞之賜必不令將軍負丹青失斷金也 東觀漢記○按此為冀之戰尺牘乃錄始雖無迴回語而以此併為一書謬誤

詔祭遵

字弟孫潁川潁陽人征虜將軍

遵從帝上龍征隗囂令進屯汧及公孫述遣兵救囂吳漢取弁等悉奔還遵獨不卻帝詔

將軍連年距難衆兵即卻復獨按部功勞爛然兵退無宿戒糧食不豫具令乃調度恐力不堪國家知將軍不易亦不遺力今送縑千匹以賜吏士 東觀漢記

敕岑彭書

彭字君然南陽林陽人為征南大將軍封舞陽侯

彭引兵從車駕破天水與吳漢圍隗囂於西城時公孫述持李育將兵救囂守上邽帝留蓋延耿种救彭書

兩城若下便可將兵南擊蜀虜人苦不知足既平隴復望蜀每一發兵頭顱為白 後漢書○東觀漢記作頭鬚

報岑彭書

彭與吳漢及劉隆臧宮劉歆等發南陽武陵南郡兵又發桂陽零陵長沙耒陽梓潼凡六萬餘人騎五千匹皆會荊門漢以三郡梓潼多資糧投欲罷之彭以蜀兵威不可遣上書言狀帝報彭彭首破荊門長驅武陽蜀地震駭營彭亡為蜀刺客所殺

欽定四庫全書

東漢文紀

十七

大司馬習用步騎不曉水戰荊門之事一由征南公為重而已 後漢書

詔吳漢

漢字子顏南陽宛人歷拜大司馬廣平侯

漢征公孫述入捷為界諸縣多城守詔令漢進兵廣都諸城皆降又詔漢曰云云漢乘勝自將步騎二萬餘人去成都十里隔江北作營遣副將武威將軍劉尚屯江南相去二十餘里帝聞大驚讓漢詔書未到達果使其來并出攻漢使劉尚將劉尚全不得相救漢引還廣都留尚拒述具以狀上帝報之自是漢與述戰於廣都成都之間八戰八克

廣都去成都五十里述若來攻待其困弊而攻之勿與

爭鋒述若不來轉營逼之彼必堅壁

漢紀

同前

後漢書
成吳漢

成都十餘萬衆不可輕也但堅據廣都待其來攻勿與爭鋒若不敢來公轉營迫之須其力疲乃可擊也

讓吳漢

比敕公千條萬端何意臨事勃亂既輕敵深入又與尚別營事有緩急不復相及賊若出兵綴公與大衆攻尚

欽定四庫全書

東漢文紀
卷一

十六

尚破公即敗矣幸無它者急引兵還廣都

後漢書

同前

漢紀

如述兵連綴副營副營破即公營亦破矣恐公不能自還還自天也幸尚無他者急還廣都

報吳漢

公還廣都甚得其宜述必不敢略尚而擊公也若先攻尚公從廣都五十里悉步騎赴之適當值其危困破之

必矣

後漢書

讓劉尚

漢紀破述述死乃夷述妻子盡滅公孫氏縱兵大掠焚述宮室帝聞之怒以譴漢又讓尚

城降三日吏人從服孩兒老母口以萬數一旦放兵縱火聞之可為酸鼻尚宗室子孫嘗更吏職何忍行此仰視天府視地觀放麕啜羹二者孰仁良失斬將弔人之

義也

後漢書

同前

漢紀作讓
吳漢等

城中老母嬰兒口以萬數兵火大縱可為酸痛甚違古

欽定四庫全書

東漢文紀
卷一

十五

人弔民之義公等戴天履地何忍行此邪

賜陳俊璽書

俊字子昭南陽西鄉人為強弩大將軍封祝阿侯

俊為太山太守行大將軍事張步畔還郡那俊追討斬之帝美其功詔得專征青徐賜俊璽書俊撫貧弱表有義百姓歌之

將軍元勲大著威震青徐兩州有警得專征之

華嶠後漢書

得征之

報陳俊詔

俊守太山數上書自請願奮擊隴蜀詔報

東州新平大將軍之功也負海猾夏盜賊之處國家以
為重憂且勉鎮撫之

後漢書

勞蓋延詔書

延字巨卿漁陽要陽人為虎牙將軍封安平侯

龐萌為人統順上親愛之嘗對諸將曰可以
托六尺之孤寄百里之命龐萌是矣使為平
秋將軍與蓋延俱定梁楚地爭權遂勒兵
反攻延延與戰破之詔書勞延又詔諸將

龐萌一夜反畔相去不遠營壁不堅殆令人齒欲相擊

而將軍聞之夜告臨淮楚國有不可動之節吾甚美之

東觀漢記○續漢書云殆令唇齒欲相擊○按范曄後漢書蓋延傳云萌攻殺楚郡太守引單葉敗延任而獲

欽定四庫全書

東漢文記卷一

千

免與東觀漢記不同資治通鑑從范書

詔諸將

吾嘗於衆人中言萌可為社稷臣將軍等得無笑吾言

老賊當族其屬兵馬會睢陽

漢記

報耿純制書

純見

純封高陽侯建武六年令諸侯就國純上書自陳前在東郡案誅涿郡太守朱英親屬令國屬涿純不自安制書報之乃更封為東光侯

侯前奉公行法朱英久吏曉知義理何時當以公事相

是非然受堯舜之罰者不能愛已也已更擇國土令侯
無介然之憂

續漢書

詔耿況

况 彭寵五年寵死帝使光祿大夫樊寵詔况

惟况功大不宜監察從事邊郡寒苦不足久居其詣行
在所

東漢書

王梁為濟南太守詔

梁數戰有功徵入為河南尹穿渠引穀水注洛陽城

下東為單川及渠成而水不流有司劾奏梁上書乞骸骨下詔

欽定四庫全書

東漢文記卷一

至

梁前將兵征伐衆人稱賢故擢典京師建議開渠為人
興利旅力既愆迄無成功百姓怨讟諫者謹諱雖蒙寬
宥猶執謙退君子成人之美其以梁為濟南太守

賜竇融璽書

融見

融為張掖屬國都尉河西翕然歸之衆推融行河西五郡大將軍事融還聞光武即位以河西隔遠未能自通詭譎使張玄親融當各據土宇與融蜀合從高可為六國下不失為爵位融決策東向遣使劉鈞奉書獻馬先是帝欲招融以過冀速亦發使遣融書遇鈞於道帝見歡甚乃遣令還國投融為涼州牧璽書既至河西咸驚以為天子明見萬里之外

綱羅張
玄之情

制詔行河西五郡大將軍事屬國都尉勞鎮守邊五郡
兵馬精彊倉庫有蓄民庶殷富外則折挫羌胡內則百
姓蒙福威德流聞虛心相望道路隔塞邑邑何已長史
所奉書獻馬悉至深知厚意令益州有公孫子陽天水
有隗將軍方蜀漢相攻權在將軍舉足左右便有輕重
以此言之欲相厚宜有量哉諸事具長史所見將軍所
知王者迭興千載一會遂欲立桓文輔微國當勉卒功
欽定四庫全書

東漢文紀
卷一

三

業欲三分鼎足連衡合從亦宜以時定天下未并吾與
爾絕域非相吞之國今之議者必有任翬效尉佗制七
郡之計王者有分土無分民自適已事而已今以黃金
二百斤賜將軍便宜輒言

封竇融

建武八年西征隗囂融率五郡太守
及先虜等會帝高平共進軍囂衆大

潰城邑皆降下詔封
融○東觀漢記載詔

行河西五郡大將軍涼州牧張掖屬國都尉竇融執志
忠孝扶微救危仇疾反虜隗囂率勵五郡精兵羌胡畢

集兵不血刃而虜土崩瓦解解功既大矣篤意分明斷之
不疑吾甚嘉之其以六安豐陽原募安風凡四縣封融
為安豐侯

詔報竇融

融率弟友等攻隗囂大破之帝封融為安豐
侯弟友為顯親侯悉遣西還所鎮融以兄弟
並受爵位久專方面懼不
自安數上書求代詔報之

吾與將軍如左右手耳數執謙退何不曉人意勉循士
民無擅離部曲

無一作莫

欽定四庫全書

東漢文紀
卷一

三

詔竇融

融入朝拜冀州牧連大司空數辭讓後朝罷
遂還席後帝知融有讓遂使左右傳出它日
會見迎乃詔融
融不敢重陳謝

日者知公欲讓職還土故命公暑執且自便今相見宜
論他事勿得復言

封卓茂詔

茂西漢末為密令教化大行光武初
即位先訪求茂茂下詔○漢官儀作策

前密令卓茂求身自脩執節淳固誠能為人所不能為
夫名冠天下當受天下重賞故武王誅紂封比干之墓

表商容之間今以茂為太傅封褒德侯食邑二千戶賜

几杖車馬衣一襲絮五百斤

東觀記續漢書並作封宣德侯

賜侯霸璽書

霸字君房河南潁人為大司徒封關內侯

霸薦前梁令閭揭揭素有讎議帝嘗嫌之既見霸泰疑其有姦大怒賜霸璽書使馮勤奉策至司徒府勸還陳霸本意中釋事理帝意稍解

崇山幽都何可偶黃鉞一下無處所欲以身試法邪將

殺身以成仁邪

後漢書

封謚侯霸詔

霸為大司徒亮上傷惜賜帛詔封霸為則鄉侯謚曰哀

欽定四庫全書

東漢文紀卷一

惟霸積善之德久而益彰清潔之操白首彌厲漢之舊

制丞相拜日封為列侯頃以軍旅暴露功臣未受國邑

錄忠臣之心不欲先饗其寵故未爵命其追爵謚霸使

襲其後

後漢紀

賜侯將軍

御歸田里昌不令妻子從將軍老矣夜臥誰為搔背痒

也

除大司空杜林子喬為郎詔

建武二十三年

公侯子孫必復其始賢者之後宜宰城邑其以喬為丹水長

迎拜鮑永詔

永出為東海相生度田事不實被徵詔書迎拜永

君晨夜冒犯霜露精神亦已勞矣以君帷幄近臣其以

永為兗州牧

東觀漢記

張況為關長詔

況族姊為光武皇考妣遵承郎太守以老乞身後詔問起居如

改復以為常山關長為赤眉所攻戰死

家人居不足瞻且以一縣自養

東觀漢記

欽定四庫全書

東漢文紀卷一

賞御史罪制詔

延陳留東昏人為郎督郵光武東巡從駕到魯城門小不容羽蓋帝怒使掾侍御史延引咎以

為罪在督郵有威帝意乃制詔

以陳留督郵虞延故賞御史罪

賜丁邯詔

邯有高節拜汾陰令遷漢中太守妻弟為公孫述將收妻送南鄭獄免冠

後漢書謝帝詔

漢中太守妻乃繫南鄭獄誰當搔其背垢者懸牛頭賣

馬脯盜跖行孔子語以邯服罪且邯一妻冠履勿謝

注決錄

三輔